

Von gots gnaden Moritz herzcogk zcu Sachsenn ꝛc.

Unsern grus zcu vor. Wirdige und hochgelerte, lieben, andechtigen und getreuen. Wir ubersendenn euch hieneben eynen bevhel an unsern amptman zcu Leiptzk, radt und lieben getreuen Christoffen von Carlewitz, der wirdet euch die fünf dorffer, tzins und güther, davon unser briff meldet, förderlich anweisen, auch die itzo vortagten und noch 5 unentrichte zcinse, deßgleichen wüe noch eynige schult vor holtz aussensteht, volgen lassen, die müget yhr entpfahn und an den retardaten die euch vom closter Peterßbergk aussenstehen aberechen. Dieweyl wir auch zcum libsten wolten unser universitet also gefördert sehen, das wider an den professorn ader auch den studenten keyn mangel vor- margket würde, szo wollet vier Bünderlich ausgeleßene, ernste und unvordroßne personen, 10 aus yder facultet eyne, dem rectori neben Ioachim Camerario zcuordnen, mit welcher radt und hülf also zcugesehn werde, das den geschehnen vorordnungen und was noch geordent werden möchte vleissigk nachgegangen und nichts vorßäumt werde. So sollet yhr auch der facultet artium anderthalb hundert gülden von unser geschehenen donation von andern dreien faculteten und künfftigem eynkommen nach dato zculegen und es 15 keyns weges anders halten, domit wir zcu andern eynsehen nicht vorursacht. Do yhr auch findet die notturft seyn, das yhr zcu erbauung des Paulercollegii eyntausent gulden uff zcinse nemen müsset, ist uns nicht entgegen, das yhr die uff eurn gütern vorsichert, doch das yhr in allewege die vorsehung thut, das sülch geldt nicht anders dan zcu bau berürts collegii gebraucht werde. Wolten wir euch genediger meynung nicht 20 bergen. Datum Leiptzk sonnabents nach cantate anno ꝛc. XLIII.

Denn wirdigen und hochgelerten, unsern lieben andechtigen und getreuen rectori, magistrern und doctorn unser universitet zu Leiptzk.

444.

Die Universität bekennt, daß ihr der Rath zu Leipzig für die im Hofe des Paulinerkollegs befind- 25 liche schadhafft gewordene Wasserleitung Wasser vergünstigt habe. Leipzig, 1544 Mai 30.

Hdschr.: Copiale magnum T. I, fol. 135^b — 136.

Wyr rector, magistri und doctores der universitet alhier zu Leipzig vor unns unnd unser nachkommen bekennen, nachdeme der durchlauchtige, hochgeborne fürste unnd herr, herr Moritz hertzog zu Sachssen, landtgraf inn Thüringen unnd marggraf zu 30 Meissen, unser gnediger herre, unns das Paulercloster geeigennt, eingereumt und zu einem collegio gemacht lauts seiner fürstl. gnd. darüber gegebenen bestettigung^a), unnd vorgefallen das der wassergang und roren, so vom rohrkasten am kirchhoffe mitten inn hoff des collegii gelaitet, doselbst in verschiennem winther wandelbar wurdenn, des wir zu teglichem brauche unnd in hohen nodten, do gott gnediglich vor sey, nicht entperen 35 konthenn, das unns eyn erbar rath solch wasser aus freuntlichem willen widderumb ver-

444. a) *Vergl. No. 439.*